



Broj:04/2- 33-5-4071 /20-SB/NH  
Sarajevo,13.03.2020. godine

**VLADA KANTONA SARAJEVO**  
**Ministarstvo zdravstva Kantona Sarajevo**  
Ul. Reisa Džemaludina Čauševića 1  
**N/r Prof.dr.Rusmir Mesihović, Ministar**

Veza: Vaš akt broj 10-04-5233/20 od 27.02.2020. godine

Predmet: Odgovor na zastupničko pitanje zastupnice Faika Mujanović Glamočanin

Primili smo Vaš akt broj 10-04-5233/20 od 27.02.2020. godine kojim ste nam prosljedili pitanje koje je na 6. izvanrednoj sjednici Zastupničkog doma Parlamenta Federacije BiH, održanoj 23.12.2019. godine, postavila zastupnica Faika Mujanović Glamočanin, a isto se odnosi na usaglašavanje propisa i akta sa Odlukom o utvrđivanju osnovnog paketa zdravstvenih prava, kojom se utvrđuje minimalan obim prava obaveznog zdravstvenog osiguranja. Takođe postavljeno je i pitanje Federalnom zavodu zdravstvenog osiguranja i reosiguranja, koliko je ukupno sredstava utrošeno za liječenje u inostranstvu u 2019. godini, u kojim ustanovama, pod kojim dijagnozama i po kolikim cijenama po usluzi.

S tim u vezi dostavljamo slijedeće:

Članom 35. Stav 2. Zakona o zdravstvenom osiguranju ("Službene novine F BiH" broj 37/97, 7702, 70/08, 48/11, 36/18) definisano je da obim prava obaveznog zdravstvenog osiguranja iz člana 32. ovog Zakona utvrđuje Parlament za svaku kalendarsku godinu. Odluku o utvrđivanju osnovnog paketa prava zdravstvenih prava Parlament F BiH prvi put je utvrdio u martu 2009. godine, nakon čega, nije bilo donošenja novih odluka, iako je navedenim članom definisano da se obim prava utvrđuje za svaku kalendarsku godinu. Takođe tačkom XIV stav 1 Odluke utvrđeno je da finansiranje osnovnog paketa zdravstvenih prava zavisi od mogućnosti prihodovne strane budžeta za fiskalnu godinu za koju se osnovni paket zdravstvenih prava donosi i od utvrđenih politika Vlade Federacije Bosne i Hercegovine, što opet upućuje na obavezu utvrđivanja osnovnog paketa prava za svaku godinu.

Tačkom XVI Odluke definisano je da će Ministarstvo zdravstva F BiH u roku od 90 dana od dana stupanja na snagu Odluke sačiniti stručno – metodološko uputstvo i programe potrebne za provođenje osnovnog paketa zdravstvenih prava u F BiH. Koliko imamo saznanja, navedeni akti nikada nisu doneseni.

U vezi sa tačkom II Odluke o utvrđivanju osnovnog paketa zdravstvenih prava Skupština Kantona Sarajevo je donijela Odluku o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo ("Službene novine Kantona Sarajevo" broj 37/09), ali ista nije bila u primjeni, jer nisu bili ispunjeni preduvjeti odnosno doneseni akti koji bi omogućili njenu implementaciju u praksi.

Odluka o obimu prava na korištenje ortopedskih i drugih pomagala (medicinska sredstava) i Odluka o ličnom učešću osiguranih lica u troškovima korištenja zdravstvene zaštite, koje su u primjeni u Kantonu Sarajevo, a čije donošenje nije u nadležnosti Zavoda, odnosno obim prava se

utvrđuje kantonalnim propisom, nisu usaglašavane sa Odlukom o utvrđivanju osnovnog paketa zdravstvenih prava iz 2009. godine. Lista lijekova za Kanton Sarajevo, koju donosi Vlada Kantona Sarajevo, usglašava se sa Odlukom o listi esencijalnih lijekova neophodnih za osiguranje zdravstvene zaštite u okviru standarda obaveznog zdravstvenog osiguranja.

Iako je pitanje o troškovima liječenja u inostranstvu upućeno Federalnom zavodu zdravstvenog osiguranja i reosiguranja, kao nadležnom Zavodu, ukazujemo i da Zavod zdravstvenog osiguranja Kantona Sarajevo participira u troškovima liječenja osiguranih lica u inostranstvu i to po dva osnova. Naime, osigurana lica Kantona Sarajevo, u slučajvima liječenja u inostranstvu, koje se nije moglo obaviti u zemlji, što se potvrđuje konzilijarnim mišljenjem Kliničkog centra Univerziteta u Sarajevu, mogu ostvariti pravo na pomoć u snošenju nastalih troškova, na način i po postupku utvrđen opštim aktom Zavoda. Takođe, Zavod zdravstvenog osiguranja Kantona Sarajevo snosi troškove zdravstvene zaštite pružene našim osiguranicima za vrijeme privremenog boravka u inostranstvu u hitnim slučajevima, a po osnovu obrazaca izdatih na temelju potpisanih međudržavnih ugovora o socijalnom osiguranju (konvencijama).

U nastavku dajemo pregled sredstava utrošenih u 2019. godini po osnovu troškova liječenja osiguranih lica u inostranstvu.

Broj slučajeva	Zemlja u kojoj je obavljeno liječenje	Sredstva odobrena po zahtjevima pojedinaca	Troškovi liječenja u inostranstvu po izdatim obrascima	Ukupno
28	Hrvatska	62.159	19.311	81.470
8	Njemačka	33.080		33.080
13	Austrija	48.219	87.097	135.315
5	SAD	42.352		42.352
16	Srbija	46.590	49.509	96.099
7	Crna Gora	1.135	8.376	9.511
7	Slovenija	15.268	13.994	29.262
13	Turska	210.842	11.661	222.503
2	Holandija		48.469	48.469
99	UKUPNO	459.645	238.417	698.062

S obzirom na protok vremena od donošenja Odluke o osnovnom paketu zdravstvenih prava i na odredbe važećih propisa koji uređuju oblast zdravstvene zaštite, mišljenja smo da bi bilo neophodno pristupiti pripremi i donošenju novog paketa prava iz obaveznog zdravstvenog osiguranja, tako da se jasno definiše šta obuhvata paket zdravstvenih prava iz obaveznog osiguranja, a koja prava bi bila obuhvaćena u okviru drugih, zakonom propisanih, vidova osiguranja.

S poštovanjem,

DIREKTOR  
  
 Sakib Katana, dipl. oec.

Dostaviti:

1. Naslovu
2. Služba za plan i ugovaranje
3. Sektor za pravne, kadrovske i opšte poslove
4. a/a



*Natasa*  
*Sofija*  
*X*

Bosnia and Herzegovina  
Federation of Bosnia and Herzegovina

KANTON SARAJEVO  
Ministry of Health

ZAVOD ZDRAVSTVENOG OSIGURANJA KANTONA SARAJEVO  
LOŽIONIČKA BR. 2

PRIMLJENO 5-03-2020<sup>4</sup> 03-2020

Org. jed.	Klas. oznaka	Redni broj	Broj priloga
01	33-5	4071/20	

Broj: 10-04-5233/20

Sarajevo, 27.02.2020. godine

ZAVOD ZDRAVSTVENOG OSIGURANJA KANTONA SARAJEVO  
n/r Direktora Sakib Katana, dipl. ecc  
ul. Ložionička broj 2  
Sarajevo

**PREDMET:** Zastupničko pitanje - traži se odgovor

06-03-2020

04/2

Poštovani,

Federalno ministarstvo zdravstva svojim aktom broj: 02-37-7902/19 od 22.01.2020. godine, dostavilo je ovom ministarstvu akt Vlade Federacije Bosne i Hercegovine broj: 03-02-1260-8/2019 od 23.12.2019.godine, sa zastupničkim pitanjima, te zatražilo odgovor na pitanje postavljeno od strane zastupnice Faika Mujanović Glamočanin.

Naime, Faika Mujanović Glamočanin postavila je na 6. izvanrednoj sjednici Zastupničkog doma Parlamenta Federacije BiH, održane 17.12.2019. godine zastupničko pitanje koje se odnosi na usaglašavanje propisa i akata sa odlukom o utvrđivanju osnovnog paketa zdravstvenih prava kojom se utvrđuje minimalan obim prava obaveznog zdravstvenog osiguranja (2008. godina), kao i pitanje koliko je ukupno sredstava utrošeno za liječenje u inostranstvu u 2019. godini, u kojim ustanovama, pod kojim dijagnozama i po kolikim cijenama po usluzi.

U prilogu dostavljamo u cijelosti zastupničko pitanje Faika Mujanović Glamočanin, te je potrebno da odgovor dostavite ovom ministarstvu u što kraćem roku.

S poštovanjem,

Pripremio:

Mr.sci Amra Hadžimuratović Čustović *Hadžimuratović*  
Stručni saradnik za zdravstvenu zaštitu

Kontrolisao:

Dr Alma Kadić - Pomoćnica ministrice *Kadić*

Kontrolisao:

Amra Isić, dipl.pravnik - Sekretar ministarstva *Isić*



MINISTRICA

Prof.dr.sci. med. Amela Sofić *Sofić*



web: <http://mz.ks.gov.ba>

e-mail: [mz@mz.ks.gov.ba](mailto:mz@mz.ks.gov.ba)

Tel: + 387 (0) 33 562-104,

Fax: + 387 (0) 33 562-243

Sarajevo, Reisa Džemaludina Čauševića 1



1000